



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Hermanni Conringii De Antiquitatibus Academicis Dissertationes

Conring, Hermann

Helmeftadii, 1674

Nobiliffimo Excellentiffimoqve Viro, Dn. Hermanno Conringio Joachimus  
Johan. Maderus S. P. D.

**urn:nbn:de:hbz:466:1-12929**

NOBILISSIMO EXCELLENTISSIMOQUE

V I R O,

DN. HERMANNO CONRINGIO

JOACHIMUS JOHAN. MADERUS

S. P. D.

**D**ispicienti mihi, Vir magne, quomodo reperire possim, queis tuæ in me voluntati quodamtenus satisfaciam: quod eorum nonnulla, quæ de *Veterum Scholis* annotavi, partim jam antehac *Prefationi in Montis-Sereni Chronicon*, partim aliis opusculis meis pro re nata inseruerim; actam uberem istorum messem in elucubratissimis Dissertationibus tuis inveniam, ut vix spicilegium aliquod mihi relinquatur: de Scholis antediluvianis se primum offert insignis locus, ab Athanasio Kirchero ex quodam Commentario MSto, cui nomen *Domus Melchisedech*, exscriptus, atque in *Obelisco Pamphilio*, lib. 1 cap. 3 sic Latine representatus: *Fuit autem Henoch nomen Adris; & post eum alius Adris, cui nomen in lingua barbara Hermes: quoniam is primum constituit scholas, in quibus scientias à protoplasto Seth sibi traditas docuit. Ipse inventor literarum & Mathematicarum artium: is tradidit leges & bene vivendi disciplinam: ideo abstulit eum Dominus, & ambulavit cum Deo in horto Eden. Hinc factum est, ut omnes qui scientiis & secretiorum artium notitia, ex posterioribus in mundo clarent, Adris, hoc est, rerum occultarum inventores dicerentur. Et quem ille eodem capite ex Achmed Ben Joseph Altiphasi, apud Gelaldinum, in Historia rerum Ægyptiacarum MSto adducit: Successit Mehaliel filius ejus Irad, & dedit ei præcepta bona, & docuit eum omnes scientias, & celebravit ipsum, famosissimumque*

D d d



simumque reddidit in peritia scientia inspectionis astrorum, & in libris quos deduxit super eum Adam. Et genuit Irad Hanuch. Ipse est Hermes: ipse Idris Propheta; super eum pax. Et fuit rex in diebus illis Mohbuel, filius Hanuch, cui pater bonam instructionem dedit: & scientias, quas apud se habebat, ipsi tradidit: & genuit eum in Egypto, (ante diluuium) & egressus est inde, & peragravit totam terram. Fuit autem ei Sabæorum regio. Ipse adhesit Deo, docuitque eum purificationes, orationes, & alia huiusmodi cultus divini signa. Et fuit peritus in inspectione astrorum, & in Geometria, & divinis scientiis: fuitque primus qui de hisce disseruit, easque de potentia in actum deduxit scripsitque de iis librum, in quo signavit doctrinam eorum. Deinde profectus est in Æthiopiam & Nubiam, &c. Quod si enim temporibus illis fuerent literæ, ac disciplinæ non unius generis, sive in plumbo, sive in lapidibus, vel alia scriptionis capaci materia, literis consignatæ, ut probare conatus sum *Dissertatione de Bibliothecis antediluvianis*: (nam lapidibus insculpi moris fuisse antiquissimis temporibus, quæ monumentis mandata cuperent, etiam testes citare possumus incisas digito Dei literas, rupices paginas, saxæum volumen, discendentem populum ac docentem Deum, ac mixtis pene hominibus atque angelis unam cæli ac terræ scholam, ut elegantissime Salvianus loquitur lib. i. de gubern. Dei.) dubitari haud posse reor, quin & tum fuerint Scholæ, in quibus ista omnia docerentur, & vivæ simul vocis commercio ad posteros propagarentur. In Asiaticis porro non prætereunda videtur Smyrnæorum Schola, quam patrum suorum memoria *Medicinæ Erasistrateam* ibidem fuisse præside *Hicesio* (Erasistrato dubio procul auctore, qui Suida teste *ιατρικὰ βιβλία* & scripsit sub Antiocho, quem ob novercæ Stratonices amorem sanarat) refert Strabo lib. XII. *Rhetoricam* vero in eadem laudat Polemonis vitam describens Philostratus, dum illum quidem cum primis in admira-

pag. 44.

pag. 390.  
edit. Basil.

ratione



ratione fuisse, urbiq̄ valde profuisse, narrat, ut civitas longe populosior quam ante videretur: undique ex continente & insulis ad ipsum conflente juventute ὅσα ἀκολάστῃ καὶ ζυγκλύδῳ, non incastigata & tralatitia, sed electa & pura: Adrianum vero, erga Ephesos alias propensum, ad Smyrnæorum favorem usque adeo pellexisse, ut uno die mille myriadas in illorum civitatem impenderit; ex quibus emporia, & gymnasium omnium quæ in Asia sunt præstantissimum, constructa sint. In qua ita Aristidem docuisse verisimile est, illum Σμύρνης, post eam terræ motibus & hiatibus deletam, οἰκιστὴν, qui ad Marcum Imp. se non de numero vomentium, sed exacte loquentium esse dixit: quod male Atheniensi Aristidi, illi In Apoph. Justo, Erasmus tribuit, & post eum Manutius: tum secundo IV Numidianum, Philosophi Maximi fratrem, τὸν ἐν Σμύρῃ In vita Ma. ut Eunapius habet, περὶ Φαιῶς σοφιστῶνται: & Corinthum illum περὶ ἀφελειπομύων, sive Derelictorum ab Homero, scripto ximi p. 67. rem, quem ad Leonis Zenonis & Anastasii tempora refert Cl. Vossius, cujus haud triviale magisterium fuisse (quæ etiam Vossii mens est) vel inde colligi posse existimavit doctissimus Rhodomannus, quod oves suas, hoc est discipulos, nobiles seu fama illustres (ἐπίκλυτα) epitheto satis emphatico appellavit, libro operis suis XIV. De Beryto, & Schola in eadem Jurisprudentiæ celeberrima, nescio num videris, Nobiliss. Dn. Strauchii dissertationem, Brunsvigæ ante annos duodecim excusam. In Alexandrinam Scholam dicitur undique confluisse à Gregorio Nysseno in vita Gregorii Thaumaturgi ἡ νεότης pag. mihi τῶν περὶ Φιλοσοφίας καὶ ἰατρικῶν ἐπισκευακῶτων. Et Christiano- 146. rum ibidem scholæ meminit cum primis Eusebius, quod lib. 5. Hist. ab antiquo sacrarum literarum doctrina & exercitium in eadem Eccles. c. 5. vigerit, eaque consuetudo à viris eloquentia divinorumque studio potentibus instituta, ad sua usque tempora perduraverit: com- lib. 6. capp. memorando una doctores, qui in ea clari extiterunt: Panta- 5. 6. 14. 19. num 29.



num videlicet, inter Stoicæ sectæ Philosophos educatum, Clementem Stromateon Scriptorem, & hujus discipulum Origenem, virum Dialecticæ, Geometricæ, Arithmeticæ, Musicae, Grammaticæ, Rhetoricæ peritissimum, omnium Philosophorum sectas ita callentem, ut studiosos quoque secularium literarum sectatores haberet, eisque interpretaretur quotidie, magnique concursus ad eum fierunt: ceu B. Hieronymus de eo scribit: Qui demum, quod alii post alios à mane usque ad vesperam ad scholam ipsius venirent, multitudine divisa, Heraclam, divinarum rerum studiosum, & alias disertissimum virum, & Philosophiæ non expertem, è reliquis familiaribus delectum in catechizando consortem constituit, illique primam eorum, qui recens imbui cœpissent, institutionem commisit, sibi perfectiorum auditorium reservans, ἀποστῆναι τὸν ἐν ἑξῆς Φυλάξας ἀγκύρασι, ut rursus habet Eusebius lib.

lib. de  
Script. Ec.  
cles.

Orat. Pa-  
negyr. ad  
Orig. pag.  
168 & seqq.

pag. 422.  
edit. Lugd  
Bat. 1616.

6. cap. xiv. Nam quomodo idem ille Cæsarensis aliquando rexit scholam, plenius nos edocet Gregorius Thaumaturgus. Locum de Constantinopolitana Bibliotheca & Schola, Dissertat. 1 pag. 29 ex Johanne Zonara citatum, præter Glycam parte iv pag. 393 etiam Constantinus Manasses in Annalibus firmat, & luculentius exponens, inquit, Non procul à divinæ sapientiæ fano splendida domus à priscis Imperatoribus erat constructa, quam nuncupare licuisset amœnum hortum, arboribus libros ferentibus plenum, adeoque lucum pulcherrimis omnigenæ doctrinæ sapientiæque plantis constum. Nam erat congestus in ea librorum thesaurus, quorum numerus trice-na & tria millia complectebatur. Talis hortus, tantusque lucus, divini cujusdam hominis curæ fideique commendatus erat, qui doctrina præstabat, & supra cæteros omnes radiis scientiæ collucebat. — Vivebant cum hoc & alii, tanquam secundarum partium duces, ab illo imperatore primi: luculenta reapse sidera noctisque collustratores. Hi tot numero, quot circuli Zodiaci signa sunt, absque



absque mercede literarum & doctrinae cupidos instruebant, & caliginis velum, tam in putri praestigiisque referta Graecorum, quam religiosissima nostra disciplina, suis auditoribus adimebant: uno illo, de quo diximus, inter omnes solis instar lucente. Tanta vero in opinione virtutis erant, ut ne ipsi quidem Imperatores novi quiddam & inusitati vel agendum sibi putarent, illis in consiliis non adhibitis. Subjungit similiter, quomodo cum ipsis libris ab Imp. sint combusti, hac addita exclamazione: *Proh infestum virtuti animum! proh mentem belluinam!* Nimirum ex unguibus saevus ille Leo jam agnitus est. Sed cum ibidem per centum & ultra annos Philosophia neglecta jacuisset, ac prope omnino extincta esset, ut ne scintilla quidem ejus, quemadmodum Zonaras loquitur, superesset, propter Imperatorum, qui sequebantur, inscitiam, Bardas Caesar circiter annum Christi 850 sub Michaele tertio Imp. vecorde & ignavo, inter innumera mala hoc tandem boni fecit, quod eruditionis provehendae magnum studium habuit. Nam cuique disciplinae scholas constituit, & doctores designavit, & singulis publica stipendia decrevit, & omnibus magnum & communem doctorem praefecit Leonem Philosophum, postea Thessalonica Episcopum, itaque effecit, ut literae reflorescerent, exiguoque tempore incrementa caperent, attestante eodem Zonara Annal. Tom. III. Apud quem etiam legere est, quomodo Constantinus Porphyrogenetus, Leonis Philosophi filius, is qui libro de Thematibus, & Excerptis Historicis inclaruit, seculo à nato Christo x tam Philosophiam, quae pene in oblivionem venerat, quam alias disciplinas, doctoribus ordinatis, jam deficientes refocillavit. Num vero & Monachi Graeci, cum primis, qui sub Nicephoro Phoca eodem illo seculo Athon montem incolere coeperunt, exinde ἀγιον ἔσθ appellatum, in eodem literarum studia excoluerint, haud equidem affirmarim: cum iis hodie

pag. 129. &  
seq. edit.  
Basil.

pag. 157.  
Ibid.



pag. 171.  
Ritual. Gr.  
pag. 170.

Lib. devi-  
ta Martini  
cap. 7.

Ap. Vin-  
cent. Bar-  
ralē Tom.  
2. p. 135.

Ibid. Tom.  
1. p. 321.

plane se non dedant; quin plurimi inter illos sint, qui ne quidem literas vel legere vel pingere norint, ut ex libro Gallico, Les Estats & Empires principautes du monde, notat Georgius Phelavius ad Christoph. Angelum: licet, teste etiam Goaro, tantis monachorum gregibus & frequentia etiamnum colatur, ut ad sex millia vel cœnobiticam vel eremiticam ibi vitam agere noscantur. Sane in eam rem longa plura sunt testimonia de Occidentis Monasticis scholis; in quibus de antiquitate cum reliquis certare videtur D. Martini in Turonensi dicecesi. De eo namque refert Sulpitius Severus, quod cum prius fuisset Hilarii Pictaviensis discipulus, jam Turonensis Episcopus constitutus, ad evitandam frequentantium inquietudinem, duobus fere extra civitatem millibus, monasterium sibi statuerit, in quo octoginta discipuli ad exemplum B. magistri fuerint instituti: ex quibus postea plures Episcopos viderit. Quæ enim, inquit, esset civitas aut Ecclesia, quæ non se de Martini monasterio cuperet habere sacerdotes? Lerinensem vero scholam, præter Euchereum in II instructionum libro, laudant Autor Sermonis de B. Suffredo, Carpentoratense circa annum Domini 550 Episcopo: ubi inter alia ejus encomia, idem hic in juventute subditus ibidem pædagogo dicitur, ad plenum literas edocendus. In quo discendi studio parvi temporis spatio emenso, ita luculentissima vigerit in Grammaticæ artis disciplinis, rationabilibus, ac dialecticorum prædicamentorum argumentis exilibus, & Aristotelicis definitionibus, nec non Rhetoricorum facundis protelationibus, ut consiliorum polleret exemplis. Scrip-  
tor item vitæ B. Agricolæ Avernenensis anno Christi 700. Episcopi: Florebat, inquit, ea tempestate celebre illud Lerinense cœnobium, S. Honorati nuncupatum, in insula maris Gallici prope Antipolim, in quod adolescentes nobiles, tanquam ad celeberrimum quoddam literarum & virtutis emporium confugiebant, ut  
etas



etas puerilis ad virtutem honestatemque informata, brevi virtuti-  
 bus digni essent adolescentes, qui honoris & dignitatis nomen possent  
 sustinere. Ibi Deo militaverunt Honoratus & Casarius Arela-  
 tenses, Germanus Parisiensis, Eucherius & Justus Lugdunenses,  
 & Siffredus Carpentoracensis Episcopi. Eo etiam se recepit B.  
 adolescens, &c. Atque adhuc seculo post natum Christum  
 XII is qui vitam Lamberti Venciensis Episcopi literis con-  
 signavit: Beatus Lambertus, ait, Deo dicatus, in Lerinensi mo-  
 nasterio educandus, & tam literis quam monasticis institutis tra-  
 ditur imbuendus. Ut de B. Augustini circa eam rem lauda-  
 bili instituto nunc nihil dicam: qui factus Presbyter, mona-  
 sterium intra Ecclesiam mox instituit, — ex quo innotescente de  
 die in diem Ecclesie Catholicae predicationis veritate, sanctorum  
 que servorum Dei proposito continentia & paupertate profunda,  
 magno desiderio poscere & accipere Episcopos & clericos cœpe-  
 re, qui similiter Domini Ecclesie propagatis & monasteria insti-  
 tuerant, & studio crescente adificationis verbi Dei, ceteris Ec-  
 clesie promotos fratres ad suscipiendum sacerdotium præstite-  
 runt. Britannicas etiam scholas silentio involvam; cujus-  
 modi initio seculi VI S. Dubricum cognomento Grainium,  
 ad Vagum fluvium aperuisse, Balæus aliique produnt; Con-  
 gellum etiam in monasterio Banchor instituisse volunt, in quo,  
 Beda teste, tantus fuisse fertur monachorum numerus, ut cum  
 in septem portiones esset, cum præpositis sibi rectoribus, monaste-  
 rium divisum, nulla harum portio minus quam trecentos homines  
 haberet. Licet hæc quam maxime mereantur prædicari,  
 quod ex ipsis prodire haud parvo numero, qui in Ger-  
 mania hac nostra, Spiritus S. adjuvante gratia, majoribus  
 nostris viam consequendæ immortalitatis ostendere, ad  
 cultum veræ majestatis ipsorum mentes instituendo. Et  
 quidem in monasticis ejusmodi scholis, saltem insigniori-  
 bus

Ib. Tom. 2.  
 p. 180.

Posidon. in  
 vita Augu-  
 stin. Tom.  
 1. p. 862.

lib. 2. Hist.  
 Angl. c. 2.



bus, observo, non inferiores tantum illas disciplinas, Grammaticam Logicam & Rhetoricam, quas *Trivii* nomine appellavere veteres, sed & reliquas quatuor *Quadrivii* nomine illustres, fuisse traditas: Atque aliter institutos, qui in *Exterioribus* sive *Canonicis*, aliter qui in *Claustralibus* erudirentur scholis. Hanc namque in istis scholis obtinuisse distinctionem, indicat liber Eckehardi Junioris de casibus S. Galli, cap. 2. & alius Eckehardus de vita Notkeri cap. 7. Imo in hoc ipso S. Galli monasterio sic *spiritualem effloruisse disciplinam*, scribit Conradus de Fabaria, ut non solum *Benedicti regulam*, verum etiam *Philosophiam totam ad unguem usque investigarint theoreticam*, Platonis, Socratis, Aristotelis, Hippocratis, Boethii, omnesque investigaverint rivulos, ut in suis metris non *Philosophi solum sed etiam Poetidae fuerint*. Id quod & de *Fuldensi cœnobio*, Christophorus Browerus Antiqq. Fuldensium lib. 1 capp. 9 10 & 11 de *Anglicanis* vero, sub Venerabili Beda, Johannes Pitseus testatur non mirandum censens, quod ad tantam doctrinam in suo monasterio pervenerit; quandoquidem antiquitus in *Anglia in insignioribus quibusque cœnobiis*, ad instar *Academiarum*, docerentur & discerentur, non solum *humaniores literæ*, verum etiam omnes *liberales artes*, omnis *Philosophia*, atque etiam *Theologia*. Habuerat Beda in adolescentia præceptorem *Benedictum Biscopium*, *monasteriorum Giruicensis & Wirmontensis fundatorem*; *splendidis natalibus ortum*; *virum literatum*, & *bonarum literarum factorem maximum*; qui quinquies *Romam proficiscens*, & nunquam vacuus rediens *ingentem optimorum librorum copiam in unam bibliothecam ad communem Monachorum usum coacervarat*, nec sumptibus, nec labori, nec industriae parcens, ut partim ex *Gallia*, partim ex *Italia*, *selectissimos quosque auctores*, tum *Græcos tum Latinos*, coëmeret, atque in *Angliam asportatos sua bibliotheca*

lib. de cas.  
S. Gall. c. 2.

pag. 129.

Pitseus de  
illustr.  
Angl. scri-  
ptor. p. 114.



*theca inferret. Erant insuper ista in regione ea tempora,* lib. 4. Hist. Angl. cap. 1. & 2.  
*quæ nunquam profus, vel ipsius Bedæ confessione, ex quo Bri-*  
*tanniam petierant, Angli, habuere feliciora: dum Theodorus*  
*Cantuariensis Episcopus, ex Tharso Ciliciæ natus, vir & secu-*  
*lari & divina literatura, & Græcæ instructus & Latine: &*  
*Adrianus natione Afer, sacris diligenter imbutus monasterialibus,*  
*simul & Ecclesiasticis disciplinis institutus, Græcæ pariter & La-*  
*tinæ linguæ peritissimus, ambo à Vitaliano Papa, rogatu*  
*Egbrechti regis, eò missi, congregata discipulorum caterva, sci-*  
*entiæ salutaris quotidie flumina, irrigandis eorum cordibus ema-*  
*nabant ita ut etiam metricæ artis, Arithmeticæ Ecclesiasticæ, &*  
*Astronomiæ disciplinam, inter sacrorum apicum volumina suis au-*  
*ditoribus traderent, & de eorum discipulis essent, qui Latinam*  
*Græcamque linguam, æque ut propriam, in qua nati erant, nossent.*  
*Quæ eum in finem affero, ut de illorum eruditione con-*  
*stare tanto rectius possit: quibus Karolus deinceps, ille vere*  
*Magnus, in religionis & literarum negotio promovendo*  
*usus est. Siquidem is liberalia literarum studia, pene iam, ut*  
*ipse ait, incuria majorum oblitterata, instaurare summopere nisus*  
lib. 4. An-  
nal. Bojor.  
p. 230.  
*(verba sunt ea de re Aventini) ut suo exemplo ad ea amplecten-*  
*da alios invitaret, ex Hibernia duos Scotos Clementem & Al-*  
*binum evocavit. Albinum Scotum Ticinum misit, ibique ludum*  
*literarium aperire iussit. Commilito huius Clemens mandato*  
*Karoli in Lutetiam Parisorum concessit: eique Magnus annonam*  
*& stipendia è fisco tradidit: procerum pauperumque pueros, in-*  
*genuos modo, commisit. Albinum Anglum secum detinuit: inde*  
*D. Martini cœnobio in agro Turonum sito, ubi doceret cum in au-*  
*la non esset, condonavit: Waldonemque Augiæ majoris magistrum,*  
*ad D. Dionysii templum, ex Suevia docendi gratia eo transtulit.*  
*Cumque videret tam feliciter cessisse, quicquid laboris ea-*  
in



Tom. III  
R. Alem.  
Goldasti.

pag. 205.  
edit. Paris,  
1655.

Tom. III  
Conc. Sur.  
p. 406.

Ibid. pag.  
177.

in parte à monachis esset impensum, jam & Cathedralibus, quas fundabat, Ecclesiis, confimiles scholas voluit annexas, ut & illæ, ad exemplum scholarum DD. Martini vel Augustini subministrarent, qui Ecclesiæ & reipubl. prodesse possent. De quo præclare scripsisse video CLL. Viros *foachimum Vadianum* lib. I. de Collegiis monasteriisque Germanorum, & *Davidem Chytraum* Proæmio in Metropolis suæ librum trigesimum; extatque Tomo I Spicilegii *Dacheriani Crodogangi* Metensis Episcopi *Regula Canonorum*, temporibus Pipini, patris Caroli M. scripta, in qua cap. XLVIII. *de pueris & adolescentibus, qui in congregatione sibi commissa nutriuntur vel erudiuntur*, pluribus agit. Quamvis mox in ipsa, quod ajunt, herba extinctus videatur quampluribus locis ille erga scholas ardor; in Concilio Parisiensi sub Ludovico & Lothario, anno 829, propterea suppliciter & obnixè suggerentibus Episcopis, ut morem paternum sequentes, saltem in tribus congruentissimis Imperii sui locis, schola publica ex ipsorum autoritate fiant, ut labor patris (Karoli) & ipsorum, per injuriam non depereat: quod ex hoc facto & magna utilitas, & honor S. Dei Ecclesiæ, & ipsis magnum mercedis emolumentum, & memoria sempiterna possit accrescere. Et lib. II ejusdem Synodi, cap. 30 ipsis fatentibus Episcopis: *Super pii & Orthodoxi Principis Ludovici, Deo amabilis Imperatoris, ut rectores Ecclesiarum in Ecclesiis sibi commissis strenuos milites Christi, quibus Deus placari possit, præpararent & educarent, admonitione, imo iussione, à nonnullis rectoribus tepide ac desidiose adum esse: atque inde omnibus visum, ut dein postposita totius corporis negligentia, ab omnibus diligentior in educandis & erudiendis militibus Christi vigilantior adhibeatur diligentia: & quando ad provinciale Episcoporum concilium ventum fuerit, unusquisque*



quisque rectorum scholasticos suos adesse faciat, ut suum solers studium circa divinum cultum omnibus manifestum fiat. Licet ne sic quidem emendatum quidpiam sit deprehendere, ut Con-  
 cilio Valentini, anno 855, tempore Lotharii Imp. habiti, cap. Ibid. pag. 481.  
 XIX ostendunt verba: *Ut de scholis tam divinae quam humanae  
 literatura juxta exemplum praedecessorum aliquid tractetur, & se  
 potest fieri, statuatur atque ordinetur. Quia ex hujusmodi studi  
 longa intermissione pleraque Ecclesiarum Dei loca, & ignorantia  
 fidei, & totius scientiae inopia invasit. Sed tunc ita forte in  
 Gallis se res habuit, occasione bellorum civilium, modo  
 inter patrem & filios, modo inter ipsos fratres; nam Ger-  
 maniae Episcopatum & monasteriorum longe alia tunc ra-  
 tio fuit. De Fuldensi siquidem coenobio diserte Trithemius  
 ad annum salutis 838. *Viguit eo tempore in monasterio* Chron. Hig  
 saug.  
*Fuldensi maxima religio monachorum, sub regimine Rabani Mau-  
 ri Abbatis, qua se per totam Europam fama praevolante diffuderat  
 in ora omnium, eratque laus & memoria Fuldensium monachorum  
 apud Imperatores Reges & Principes in magno pretio, non solum  
 propter sanctitatem vitae, sed etiam propter incomparabilem scien-  
 tiam Scripturarum, qua Fuldenses monachi eo tempore praeceteris  
 multis dicebantur eruditi. Unde multi ex eis in diversis Ecclesiis  
 ad apicem Pontificatus fuerunt assumti. Quo & pertinet dona-  
 tionis Charta, qua Ludovicus Pii F. Germaniae & orientalium* Ap. Bro-  
 ver. p. 221.  
*Francorum Rex, Rudolpho Monacho & Confessori, suo, mode-  
 ratori Fuldensis scholae (quem ut totius pene Germaniae docto-  
 rem egregium, & insignem Historiographum & Poëtam, atque  
 omnium artium nobilissimum auctorem, celebrant Annales Fran-  
 corum Pithoei) concessit censum & regios colonos, & eorum* Ad annum  
 861.  
*omnium utilitatem: cupitque fructum ad caeteros item transire  
 scholasticos. Quodque D. Ansharius, primus Hambur-  
 gensis**



Waldo in  
vita An-  
schar. c. 34.  
genſis Episcopuſ, in eo loco ſcholam inſtituit, quibus ali-  
quot veteris Corbejæ monachos, ex Gallia eo fine in Ger-  
maniam accitos, præfecit;

*Hamburgeniſis ſchola queis edocta magiſtris*

*Crevit, & ad ſtorem perducta reſudit odorem:*

Rembert.  
inejuſd. vi-  
ta cap. 14.  
ex gente Danorum & Slavorum, ne diſcipuli deeffent, cœmen-  
do pueros, aliquos etiam ex captivitate redimendo, quos ad ſervi-  
tium Dei educaret. Quod nec in aliis intermiſſum, tam à

pag. 72. c.  
dit. Helmiſt.

Carolo M. & Ludovico, quam deinceps fundatis Eccleſiis  
& Monafteriis, ceu de *Hildesheimenſi Schola* teſtantur Chro-  
nica Mſta: de *Magdeburgenſi* ſub Ottone Magno, Ditmarus  
lib. 111: de *Bremenſi* eodem illo tempore, Adamus lib. 2 cap. 5:  
de *Hamelenſi* & *Paderbonenſi* circa annum Chriſti 1100 Hel-  
moldus Chron. Slavorum lib. 1. cap. 62. & Cranzius lib. 7.  
Saxonix ſuæ cap. 18: de *Brunſvicenſi* in Monafterio S. Ægi-  
dii, ſub Henrico Leone, Continuatio Chron. Slavorum ap.  
Lindenbrogium (quo fere tempore vel paulo ante etiam  
*Johannis Comneni* uxor *Irene*, caſtiſſima; ſi quæ alia, & virtutis

Cinnamus  
lib. 1. de ge-  
ſtis Com-  
neni p. 8.

*ſtudioſiſſima mulier*, Φεγγιςήριον ἐπ' ὀνόματι τῆ παντοκράτορος & ἐν  
Βολωνίῳ σωτηρίου, ἐς καὶ δὲ καὶ καὶ μέγεθ & ἐν τοῖς μάλιστα τῶν  
Ἰηουμοτάτων ὄν, in nomine omnipotentis Byzantii ſcholam erexit,  
elegantia & mole nulli vel celeberrimarum ſecundam) de *Benedicti-  
norum* ſcholis in univerſum Paulus Langius Chronici Citi-  
cenſis pag. 760 & ſeqq. atque Henricus Petrejus Tractatu  
de monafteriis. *Bononiense* ſtudium, (uti tum vocabant) quo  
tempore cœperit, haud equidem invenio. *Friderici* vero  
*Barbaroſſæ* ævo viguiſſe Juris ſtudium, vel inde colligere  
datur, quod ille Imp. ad campeſtria *Roncaliæ* placitum habens, &  
plena ac ſolemnitudo, iudicio ac iuſtitia à mane uſque ad veſperam  
intentus, querimonias & proclamationes tam divitum quam paupe-

Radevicus  
de geſt. Fri-  
derici. lib.  
2. c. 5.

74111



rum diligenter audiens, habebat quatuor Judices, Bulgarum, Martinum, Jacobum, Hugonem, viros disertos, religiosos, & in lege doctissimos, legumque in civitate Bononiensi Doctores, & multorum auditorum praeceptores, cum quibus, aliisque Juris peritis, qui diversi è diversis civitatibus aderant, discutebat & terminabat negotia. Etiam ex ipsis monasteriis eo profectos, qui Juris utriusque cognitione imbui desiderarent, indicant, quæ de Udalrico Abbate monasterii S. Galli, sub Philippo Friderici hujus filio, scribit jam ante laudatus Conradus de Fabaria, quod dulciloquis Grammaticæ & Dialecticæ floribus informatus Parisios & Bononiam sit transmissus, unde repatrians, atque ad summa evectus in jure forensi & Ecclesiastico, quicquid excogitari poterat, faceto Minervæ poculo cunctis audientibus propinaverit. De Parisiensis Academiæ florentissimo statu circa Philippi regis tempora atque annum 1210, insignis apud Rigordum locus est in ipsius regis gestis; quando sic in diebus illis studium literarum ibidem floruisse tradit, ut nec tanta aliquando fuerit scholarium frequentia Athenis vel Ægypti, vel in qualibet parte mundi, quanta locum istum studendi gratia incolebat. Quod non solum, inquit, fiebat, propter loci illius admirabilem amœnitatem, & bonorum omnium superabundantem affluentiam; sed etiam propter libertatem & specialem prærogativam defensionis, quam Philippus rex, & pater ejus (Ludovicus) ante ipsum, ipsis scholaribus impendebat. Ac de studiis tandem addit: Cum itaque in eadem nobilissima civitate non modo de trivio & quadrivio, verum & de questionibus juris Canonici & civilis, & de facultate, quæ de sanandis corporibus, & sanitatibus conservandis scripta est, plena & perfecta inveniretur doctrina; ferventiori tamen desiderio sacram paginam & questiones Philosophicas docebantur. Et de Varia quidem Aristotelis fortuna in Academia

Lib. de cas.  
S. Galli c. 50

pag. 207.  
edit. Pithoci.



*Parifensi extat doctiffimi Launoy fingularis liber, Oxoniensifs  
vero Academiae antiquitatem, dignitatem, privilegia, magnifi-  
centiam collegiorum, difciplinam, & ftudiorum rationem, tum ma-  
giltratum & curias Academicas, aliquot capitibus ob oculos  
ponit Tomo I. Relationum de rebus Anglicis, is quem ante  
citavimus Johannes Pitfeus quibus & de Cantabrigiensis Aca-  
demiae collegiis & fcholis quaedam fubnectit. In quibus  
nunc finio, poftquam fic fatis γλαυκίης Ἀθηνᾶς: potius  
quemadmodum, initio dixi, ut voluntati tuae morem geram,  
quam quod accuratiffimam in omni antiquitate notitiam  
tuam quidquam horum fugere poffe putem. Deum vero pre-  
cor, ut te Vir Magnifice, bono publico quam diutiffime  
falvum atque incolumen praeflet. Dabam Scheningae xlv  
Februarii, cio i c lxxiii.*

**P. S.**

**Diffuli hae ad te mittere, Vir nobiliffime,  
quod eorum plurima deinceps, jam in Differta-  
tionibus tuis ac Supplemento notata effe, de-  
prehendi. Spero tamen te pro tua in me bene-  
volentia benigne omnia interpretaturum. Et-  
iam atque etiam vale. Deus te longam ferve!**

**INDEX**